


På kyrkjebakken

Redaksjonsnemnd:
B. Haukanes, B. D. Bødker, A. R. Hauge, J. Bruvik



Gjenbruk og feste av gamle graver

Mange har ei eller fleire graver på den gamle gravplassen på Ådland, og mange ynskjer å ta vare på desse som familiegraver. Det har tidlegare vore gjort eit stort arbeid med å finna pårørande til alle gravene og å skriva brev om festeynske for dei gravene som ikkje var fredda lenger. Men no er det ikkje sendt ut brev systematisk for nye årgangar, på ei stund. Det er fordi me er inne i ein prosess der me går gjennom heile den gamle gravplassen.

For tette graver

Dei gamle gravene er ofte grave svært tett. Etter dagens reglar, skal det vera minst 120 cm mellom gravene på ein gammal gravplass. Nytt stemplingsutstyr som me brukar under gravinga, er også mindre fleksibelt enn det dei brukte før, men både sikrare og betre i bruk. Her er det også snakk om HMS og arbeidsmiljø. Me må då gå gjennom gravplassen, rekje for rekje og grav for grav for å sjå kvar det er for tett og sjå kva graver me ikkje kan bruka om igjen. Det hender også at me må gjera doble graver om til enkle, fordi det er for liten plass.

På grunn av dette, ynskjer me ikkje å senda rekningar ut før me veit kva graver som er doble, enkle eller ikkje kan brukast igjen. Festearvgift vert betalt pr. grav, og for enkle graver som ikkje kan brukast igjen kostar det 25% av prisen for å behalda grava.

Auka fredingstid

I tillegg er det ynskjeleg å auka fredingstida på gravene til 30 år. Det er ikkje alle stader på gravplassen at jordtilhøva er gode nok, og nedbrytinga kan gå seint.

Når me er ferdige med gjennomgangen, må me søkja Statsforvaltaren om godkjenning av ny gravplan og auka fredingstid, men me går ut frå at det kjem til å gå gjennom. Gjer det det, vil det altså vera slik at på den gamle gravplassen, vil gravene vera fredda i 30 år, og så kan ein betala festearvgift for å behalda dei lenger. (Totalt til dei er 60 år – etter det må ein levera grunngjeven søknad for å behalda ei grav.)

Doble graver som er for tette

Kva så med dei som har ynskje om å nyttja ei dobbel grav om igjen, og så er det ikkje plass til to kister? I nokre tilfelle, kan det vera ei ledig grav attmed som kan festast. Men det går også an å bruka kistegravlegging på den som skal gravleggjast først, og så setja ei urne ned i same grava seinare. Når urna er sett ned, vil grava vera fredda for 20 nye år og det vil berre måtta betalast festearvgift for ei grav, når den tid kjem. Er det så gale at nokon alt har betalt feste tidlegare for to graver dei ynskjer nyttja om igjen og desse må gjerast om til ei, så vil utgifter til kremering for den eine, vera dekkja. I lengste laget prøver me unngå å slå saman doble, festa graver.



Gjenbruk av graver

Det er også slik at på ein gammal gravplass er det ikkje alltid råd å nyttja ei grav opp igjen, sjølv om ho er over 30 år. Det kan vera dårleg nedbryting enkelte stader på gravplassen, og det kan vera nadsynt å lukka grava att utan å kunna bruka ho på nytt. (Det er reglar for dette også.) Då må ein bestemma seg for om ein vil kremera og setja urna ned i den grava ein først hadde tenkt å nyttja, eller om ein vil ha ei anna kistegrav. Dette kan vera lurt å tenkja over og snakkast om når ein planlegg gravferd med

gjenbruk av grav, - for ei slik avgjerd må takast raskt. Er det ei festa grav det er snakk om, vil utgifter til kremering vera dekkja om ikkje grava kan nyttast.

Tidkrevjande arbeid

Håpar at de har forståing for at dette arbeidet tek tid, og at me ikkje får oversikt over heile gravplassen på ein gong. Me har byrja på feltet næraast sjøen, og spørsmål om feste av graver kjem til å gå ut for felt 7 og 6 med det første. Men då altså berre for graver som er over 30 år.

Frå kyrkjeboka



Døypte

09.10.22

- Julian Arnesen Thomsen

23.10.22

Elias Ingvartsen Holmefjord

04.12.22

Lilly Skjoldal Foss



Gravlagde

30.09.22

Kjellaug Nordvik

06.10.22

Vesla Karin Tysseland

21.10.22

Oddvar Bjordal

09.11.22

Leif Olai Borge

11.11.22

Torolf Jørund Solvang

18.11.22

Astrid Olava Gjerde

30.11.22

Solveig Elisabet Røsseland

02.12.22

Anne Margrete Oldervoll

09.12.22

Johannes Myren

16.12.22

Jorunn Langeland

21.12.22

Anders Reistad

18.01.23

Nella Vikøren



Kyrkjelydshelg på Wallemtunet

Etter å ha teke ein koronapause, kan me no endegleg arrangera kyrkjelydshelg att! Me gler oss til fine dagar på Kvamskogen 3.-5. februar og håpar på snø og sol slik at små og store kan få bruka ski og akebrett! Dei som har høve til det, kan koma om fredagskvelden, til enkel middag og sosialt samvær. Det går også an å koma til lunsj på laurdag.

På ettermiddagen vert det temasamling med tema: «Fellesskap og relasjonsbygging». Det vert eiga samling for borna. Søndagen har me gudstenesteverkstad og lagar gudsteneste saman med borna, så vert det uteaktivitetar og middag.

Stikkord for helga er: Leik og moro, uteaktivitetar, mat og prat, Bibel og bøn, song og musikk, Vel møtt!

temasamling og gudsteneste.

Sjå lysing i denne avisena eller heimesidene våre for meir informasjon. Du kan også ringja kyrkjekontoret om det er noko du lurer på, eller koma innom i kyrkja på Haga og ta med deg ein info-lapp. Me treng påmelding innan 25. januar.

50-årskonfirmandar 2023

Dei som feirar 50-årsjubileum for konfirmasjonen i vår, vert inviterte til gudsteneste på Ådland og middag etterpå i kyrkja på Haga søndag 30. april. Me rek ikkje å få sendt ut invitasjonar i januar, men sidan folk etterspør datoene, vil me alt no meldha frå om den. Set han av og spreid det til «klassekameratane» dykkar! Di fleire som møter, di kjekkare er det for dei som kjem...

Kyrkjekontoret og diakonin nemnda